



## الشاعر علي سعد مصر

### وجع القلوب

الله يسامح كل اللي وقف بنا  
زرع بحقده الغبي كلمة تزعلنا  
وجع القلوب ينزف خانق مشاعرنا  
الله عليك يا زمن دايمًا تهاجمنا  
الوردة تسأل قاطفها والشوك بيسألنا  
ليه كل ما أكبر وأفتح تاخدوا الحلا منا؟  
أهين وآهه حزينه طب ليه بيجرالنا  
ارحم يا عم اللي فاضل وكفاية بقي وسيبنا  
خلينا نعشق ونحلم حتى الحلم هاجمنا  
بقينا ويا الريابة نعشق حزننا بكلمة  
نرقص مع الريح ونقول خلاص تفاريح  
والدمعة عل الخد راسمة بجد أحزاننا  
والأرض سامعة البكا طرحت م الدموع معنى  
والنجمة تنده وتصرخ ولا حد سامعنا  
جرح القلوب بيزيد مع كل تنهيدة  
عايش حياتي عذاب والضحكة تكشيرة  
رفعت راسي وكاسي رميته من أيدي

ناديت وبكيت وقلت:  
يا ربي.. عبدك وراجع ليك  
في عز الليل ببكيلك عشان الدنيا خدعانا  
والآخرة والذنوب تطرح  
ارحمنا يا الله هنتوب ونجيلك  
اغفر ذنوبنا وحياء حبيبنا  
تغفر ذنوبي وتقتل شيطاني  
ماليش غيرك.. ماليش غيرك

## حب ولا عند؟

هو حب ولا عند؟ ولا أيه يعني الكلام؟  
يوم ما نصفي بالمشاعر ينخلق مليون خصام  
سايبة نفسك تجرحيني لسة جرحك ما ادواش  
إنّ ليه دايمًا عنيدة سهوة مني كون جريمة  
لما إنّ عاوزه تموتيني موتي من غير كلام  
إنّ جيت وحبتي وبمشاعرك حستيني  
جوه حضنك كنت باحلم أعمل ايه لو تجرحيني  
فقت من حلمي اللي صاحي  
مرعوب يا عيني لا تسيبيني  
أنا ري الحلم كان حاسس ومستني الكلام يبجي  
اهدي يا بنت الناس شوية إهدي وأنت بتدبحيني  
سني سكينتك شوية مرة واحدة وخلصيني  
مرة واحدة وخلصيني